



Broj: 01/04-14-6023-6/19
Sarajevo, 29.10.2019.

Na osnovu člana. 70. stav (1) Zakona o javnim nabavkama BiH ("Službeni glasnik BiH", br.:39/14), a u vezi sa članom 38. Statuta Grada Sarajeva ("Službene novine Kantona Sarajeva", broj 34/08,-Prečišćeni tekst), Gradonačelnik Grada Sarajeva, donosi:

ODLUKU
o izboru najpovoljnijeg ponuđača putem Konkurentskog zahtjeva

I

Prihvata se ponuda ponuđača JOBING d.o.o. ul. Grada Kalgarija br. 3., 71 000 Sarajevo, broj ponude: 34 -x/19 od 14.10.2019. godine, za javnu nabavku „Održavanje službenih prostorija u Gradskoj upravi Grada Sarajeva“ u postupku provođenja javne nabavke putem Konkurentskog zahtjeva.

II

Sa ponuđačem „JOBING“ d.o.o. Sarajevo, zaključit će se ugovor o pružanju usluga iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj: 01/04-14-6023-2/19 od 27.09.2019. godine, pokrenut je postupak javne nabavke „Održavanje službenih prostorija u Gradskoj upravi Grada Sarajeva“ putem Konkurentskog zahtjeva. Obavještenje o nabavci objavljeno je na portalu Agencije za javne nabavke broj: 1278-7-2-362-3-96/19 dana 02.10.2019. godine.

Sa portala Agencije za javne nabavke, tendersku dokumentaciju preuzelo je 9 ponuđača.

U određenom roku za dostavljanje ponuda na protokol ugovornog organa zaprimljene su 2 (dvije) ponude i to:

JOBING d.o.o. Sarajevo i MAJORDOMO d.o.o. Sarajevo.

Komisija za javnu nabavku imenovana Rješenjem Gradonačelnika, broj: 01/04-14-6023-3/19 od 27.09.2019. godine izvršila je javno otvaranje ponuda dana 15.10.2019. godine.

Nakon otvaranja ponuda, izvršena je detaljna analiza prispjelih ponuda te je utvrđeno da su oba ponuđača dostavila ponude u skladu sa tenderskom dokumentacijom, odnosno uslovima koji su navedeni u istoj.

Komisija je utvrdila cijene prispjelih ponuda, redoslijedom kako su zaprimljene na protokol ugovornog organa i to kako slijedi:

1. JOBING d.o.o. Sarajevo.....61,00 KM bez uračunatog PDV-a,
2. MAJORDOMO d.o.o. Sarajevo222,00 KM bez uračunatog PDV-a.



Obavještenjem o nabavci kao i tenderskom dokumentacijom u ovom postupku nabavke, ugovorni organ je predvidio provođenje **e-aukcije**, putem Agencije za javne nabavke za ponuđače koji su dostavili prihvatljive ponude odnosno ponude u skladu sa tenderskom dokumentacijom.

Prije provođenja e-aukcije, a u skladu sa Uputstvom za pripremu modela tenderske dokumentacije i ponuda, i to člana 17. stav 7 kojim se predviđa da: ugovorni organ obavezno od ponuđača traži objašnjenje cijene ponude koju smatra neprirodno niskom, Komisija za javne nabavke je ponuđaču Jobing d.o.o. uputila poziv broj:01/04-14-6023-5/19 za pojašnjenje neprirodno nske cijene.

Pojašnjenje je dostavljeno u skladu sa rokom traženim od strane Komisije – 18.10.2019. godine.

Jobing d.o.o. dostavio je opravdanje ponuđene cijene navodeći da je visina cijene rada u iznosu od 71,37 data u ponudi kao minimalna cijena po kojoj ova firma može uz manju zaradu izvršiti kvalitetno dati posao.

U obrazloženju se navodi da poslovna politika njihove firme nije ostvarivanje extra profita, nego cilj da uz manje cijene i manju zaradu osiguraju masovnost i kontinuirani posao, te stabilna mjesta radnicima, te da obezbijede proširenje kapaciteta stvarajući uslove za nova zapošljavanja. Nakon obrazloženih navedenih razloga, može se zaključiti da je ponuđena cijena ekonomski opravdana, te da Komisija u ovom slučaju nema validnih razloga za odbacivanje obrazloženja dostavljenog od strane ponuđača Jobing d.o.o.

Nakon provedene **e-aukcije** te dostavljenog Izvještaja o toku i završetku **e-aukcije** od strane Agencije za javne nabavke, utvrđena je konačna rang lista ponuđača koji su učestvovali na e-aukciji i to kako slijedi:

1. JOBING d.o.o. Sarajevo**54,00 KM bez PDV-a**
2. MAJORDOMO d.o.o. Sarajevo.....**54,10 KM bez PDV-a**

Imajući u vidu naprijed navedeno, Komisija za javnu nabavku sačinila je Zapisnik o pregledu i ocjeni ponuda od 25.10.2019.godine, te na osnovu kriterija najniža cijena, dala preporuku Gradonačelniku da se ugovor za „Usluge održavanja službenih prostorija u Gradskoj upravi Grada Sarajeva, dodjeli ponuđaču „ Jobing d.o.o.“ Sarajevo, ulica Grada Kalgarija broj 3.,71 000 Sarajevo koji je nakon provedene e-aukcije dostavio najnižu cijenu u iznosu od 54,00 KM bez uračunatog PDV-a.

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi ugovornom organu novi Obrazac za cijenu ponude koji je usklađen sa cijenom nakon provedene e-aukcije, kako bi ugovorni organ mogao vršiti praćenje i realizaciju ugovora.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije Gradonačelnik Grada Sarajeva donosi ovu odluku.

POUKA O PRAVNOM LIJEKU:

Ponudlač koji je učestvovao u postupku javne nabavke može radi zaštite svojih prava i pravnih interesa u roku od 5 (pet) dana od prijema obavijesti (odluke) o izboru najpovoljnijeg ponudlača izjaviti žalbu ugovornom organu u dovoljnom broju primjeraka.

DOSTAVITI:

Gradonačelnik Grada Sarajeva

- *Ponudlačima*
- *a/a*

Mr. Abdulah Skaka